



Emanuel Nûko  
Inatsisartuni ilaasortaq, Partii Naleraq

## **Akissuteqaat takornartat oqaasii pillugit § 37 naaportorlugu apeqqutinut tunngatillugu**

Asasara Emanuel Nûko,

Qujanaq apeqqutinnut Inatsisartut suleriaasianni aalajangersakkat naaportorlugit saqqummiussannut. Taakkua uani ataani akissuteqarfigissavakka.

### **1. Meeqqat atuarfianni takornartat oqaasiini tuluttut sallinngortinnissaannik sulissuteqanngilasi?**

**Akissut:** Naalakkersuisut anguniakkatut sulissutiginiarpaat tuluit oqaasiisa allamiut oqaasiini suillingoriartuaarnissaat. Immikkut ilisimasallit suleqatigiit Naalakkersuisuusimasunut 2017-imi pilersinneqartut nalilerpaat piffissami matumani tunngavissaqanngitsoq danskit aamma tuluit oqaasiisa paarlaannissaat, tuluillu oqaasii meeqqat atuarfianni suillertut oqaatsit aappaattut / allamiut oqaasiisut eqqunneqarnissaannut, ilinniartitsisussanik amigaaqartoqarmat perorsaanikkut ilinniartitseriaatsinillu pisariaqartunik ilinniagaqarsimasunik, aammalu ilinniartitsinermi ilinniartitsissutissanik amigaaqartoqarmat.

Immikkut ilisimasallit nalilerpaat, aalajangiisoqassappat tuluit oqaasii allamiut oqaasiisut suillertut inassisimalissasut, taava pisariaqassasoq ilinniartitsinerup atortuulernissaanut tuluit oqaasiinik ilinniartitsisussanik amerlanerusunik ilinniartitsisoqarnissaa, ullutsinnut naleqquttunik ilinniartitsissutissanik peqarnissaa, kiisalu ilinniartitsisartut ilinniartitseriaasiinik oqaatitsigullu piginnaanerinu ilinniartitsinikkut aaqjissuussisoqarnissaa. Piarersaataasunik aaqjissuussinissat taamaattut immikkut ilisimasallit naaportorlugit ukiuni arlalinni ingerlanneqaqqaassapput.

Immikkut ilisimasallit nalunaarusiaminni inassuteqaatinik arlalinnik saqqummiussipput, oqaatitsigut suliniutinik annertusaanissanik aammalu atuartut oqaatsinik atuliertortarnerannik nukittorsaanissanik, meeqqat atuarfianni tamakkiisumik pinngitsoorani oqaatitsigut ilikkagassanik (kalaallisut, danskisut aamma tuluttut) aaqjissuussinnginnermi.

Ataatsimoorluni sammisaqartitsinissaq - workshop-ertitsinissaq - meeqqat atuarfianni susassaqtartut qitiusut immikkut ilisimasallit inassuteqaataannik suliaqarluni ingerlatsiviususaaq piffissami matumani pilersaarusiorneqarpoq. Workshop-i naatsorsuutigineqarpoq 2018 naatinngu ingerlanneqassasoq, peqataaffigineqassallunilu meeqqat atuarfianniit, kommuniniit, ilinniartitsinermut Instituttimiit, ilinniartitaanermut Aqutsisoqarfimmiit, ilinniartitaanermut Naalakkersuisoqarfimmiit allaniillu.

05-09-2018  
Sagsnr. 2018 - 17478  
Dok. nr. 8616337

Postboks 1029  
3900 Nuuk  
Tlf: +299 34 50 00  
Email: ikiin@nаноq.gl  
www.nanoq.gl

Immikkut ilisimasalittut suleqatigiit nalilersuinerinit aamma inassuteqaataannit annerusumik paasisaqarumagaanni matumunnga atatillugu, innersuunneqassaaq [immikkut ilisimasallit nalunaarusiaat oqaatsinik nukittorsaanissaq pillugu.](#)

## **2. Nuna namminersulivinnissaminut ilungersuuteqartoq inuiaqatigiit qanoq piginnaasaqartigippat tuluttut oqalunnissaminut?**

**Akissut:** Misissuisoqarsimangilaq inuiaqatigiinni ataatsimut oqaatitsigut piginnaasat taakkualu qaffasissusii pillugit.

Tuluit oqaasiinik atuinermi meeqqat atuarianni qaffasissuseq angusallu pillugit innersuunneqassapput [Kalaallit Nunaanni kisitsisinik naatsorsueqqissaartarfiup](#) aamma Nalilersuinerit karakterillu angusat fagimi tassani ilikkagassatut anguniakkat tunngavigalugit oqimaalutarneqartarput.

## **3. Ukiut qassit utaqqissuarput takornartat oqaasii tuluttut salleryanngornissaannik?**

**Akissut:** Eqqaaneqareersutut piffissami matumani sulissutigineqarput suleqatigiissitap immikkut ilisimasallip nalunaarusiamini inassuteqaatai, oqaatsinik atuinerup nukittorsarneqarnissaa pillugu. Ilaatigut sulissutigineqarput suliniutit kinguneqartussat tuluit oqaasiini ilinniartitsisussat amerlanerusut pigineqalernissaannik siunertaqartut, tuluit oqaasiinik ilinniartitsissutissat ullutsinnut naleqquttut, oqaatsinik ilinniartitseriaatsit pillugit ilinniartitsisut piginnaasaat, ilinniartitsisullu namminneq tuluit oqaasiini piginnaasaat, kiisalu aamma inunnguuseralugu oqaatsit nukittorsarneqarneri, atuartut pitsaanerpaanik tunngavissaqartikkumallugit oqaatsit aappaannik aamma allamiut oqaasiinik ilinniarnissamut. Taamaattumik siulittuutigisinnaanngilara qaqugu tuluit oqaasiisa allamiut oqaasiisut siullertut inissisimalerumaarneri.

Inussiarnersumik inuulluaqqusilluta



Vivian Motzfeldt